

fo, feuch, pheacaich sibh 'an aghaidh an Tighearna: agus bithibh cinnteach gu'm faigh bhur peacadh a mach sibh.

24 Toguibh bailte d'ar cloinn bhig, agus mainniréan d'ar caoraich; agus deanaibh an ní a chaidh mach as bhur beul.

25 Agus labhair clann Ghad agus clann Reubein re Maois, ag ràdh, Nì do sheirbhifich mar a tha mo Thighearn ag àithneadh.

26 Bithidh ar clann bheag, ar maò, ar treudan agus ar spreidh uile, 'an sin ann am bailtibh Ghilead.

27 Ach thèid do sheirbhifich thairis, gach fear dhiubh armaichte chum cogaidh, roimh an Tighearna gu cath, mar a tha mo thighearn ag ràdh.

28 Agus thug Maois àithne d'an taobh do Eleasar an sagart, agus do Iosua mac Nun, agus do phrìomh aithreachaibh^a threubha chloinn Israeil:

29 Agus thubhairt Maois riu, Ma thèid clann Ghad, agus clann Reubein a nunn maille ribh thar Iordan, gach fear dhiubh armaichte chum cath 'an lathair an Tighearna, agus gu'n ceann-faichear an tìr romhaibh^b, 'an sin bheir sibh dhoibh fearann Ghilead mar sheilbh:

30 Ach m'ur d'thèid iad thairis maille ribh armaichte, bithidh seilbh aca 'nar meafg^c fèin ann an tìr Chanaain.

31 Agus fhreagair clann Ghad, agus clann Reubein, ag ràdh, Mar a thubhairt an Tighearna re d' sheirbhifich, mar sin nì sinne.

32 Thèid sinn a nunn ar-

maichte roimh an Tighearna do thìr Chanaain, a chum as gu'm bi seilbh ar n-oighreachd againn air an taobh fò do Iordan.

33 Agus thug Maois dhoibh, eadbon^d do chloinn Ghad, agus do chloinn Reubein, agus do leth thréibh Mhanaseh, mhic Ioseiph, rioghachd Shihoin rìgh nan Amorach, agus rioghachd Og rìgh Bhafain, an tìr maille r'a bailtibh, anns na crìochaibh, eadbon bailte na dùthcha n'an cuairt.

34 Agus thog clann Ghad Dibon, agus Atarot, agus Aroer,

35 Agus Atrot, Sophan, agus Iaafer, agus Iogbehah,

36 Agus Betnimrah, agus Bet-haran, bailte daingnichte: agus mainniréan airson chao-rach:

37 Agus thog clann Reubein Hesbon, agus Elealeh, agus Ciriataim,

38 Agus Nebo, agus Baal-meon (air d'an ainme bhi air an atharrachadh) agus Sibmah: agus thug iad ainmeanna eile do na bailtibh a thog iad.

39 Agus chaidh clann Mhachir, mhic Mhanaseh, do Ghilead, agus ghlac iad e, agus chuir iad a seilbh an t-Amorach a bha ann.

40 Agus thug Maois Gilead do Mhachir mac Mhanaseh: agus ghabh e còmhnuidh ann.

41 Agus chaidh Iaaer mac Mhanaseh agus ghlac e a bhailte beaga, agus thug e Habhot-iair mar ainm orra.

42 Agus chaidh Nobah agus ghlac e Cenat, agus a bhailte beaga, agus thug e Nobah mar ainm air, a réir ainme fèin.